

事有關於事大之例亦不可輕議衆論所在在

聖鑑裁處賀表頭

辭只舉徽號似可但其加號出於九廟之成同頒一詔今偏舉一事而賀之似亦未穩今承文院更加熟議何如○諫院啓勿遣進賀使答曰當觀承文院所議如何而更答之也○丙午諫院啓停進賀使又啓宗簿寺僉正職掌璿源例兼春秋僉正趙珙非徒不合兼春秋其人物

老病昏耗不堪職事今當

璿源錄修正之時尤不合是官請適答曰進

賀事待承文院所啓也趙珙事如啓○夜良方有氣如火○丁未政院

以承文院提調意啓曰進賀謝恩等使同時入送事左議政金安老右

議政尹殷輔皆已議政故不復與議而唯領議政金謹思左贊成柳溥

右贊成沈彦慶議曰前日之議至當且表辭亦不可獨稱加尊號也今

成九廟加尊號等事中原同書一紙頒諭天下不可捨九廟獨稱徽

號也二事並稱至當傳曰所啓之意招司諫院言之○柳文講○臺諫

啓曰前者干於朴氏者雖並皆刷出而餘孽尚存以為近日奸細之階

梯其當時網漏之患可鑑今聞與尹旼文城正妻尹氏相為交通者尚

在官中物論喧傳以為他日之憂難保其必無云若置而不問則必復

為奸細貴緣締結之資請一切刷出以杜後日媒孽之端答曰干於朴